



Clypevs Theologiæ Thomisticæ

Continens Tractatus de attributis, de visione Beatifica, de scientia Dei, ac
de ejus voluntate, & Providentia

Gonet, Jean-Baptiste

Parisiis, 1669

§. I. Efficacia divinorum decretorum ex orationibus Ecclesiæ, &
promissionibus Dei, demonstratur,

[urn:nbn:de:hbz:466:1-77232](#)

*Solus potest ipsam immutare: Proverb. 21. Cor. Regis in manu Domini, quocumque voluerit inclinabit illud. Vnde dicitur, Faciens in vobis: ad Philip. 2. Deus est qui operatur in nobis velle & perficere. Quibus verbis S. Thomas in primis aperte destruit solutionem & explicationem Adversariorum, ad verbum *aptare causas contingentes & necessarias*, & exponit genuinum sensum illius, docendo quod significat idem quod determinare, seu applicare. Secundoclarè explicat ea omnia qua possunt pertinere ad efficaciam divinorum decretorum, & auxiliorum; & docet quod Deus operatur bonam voluntatem in nobis, non solum suasionibus & comminationibus, quaे pertinent ad gratiam moraliter excitantem, sed operando aliquid intrinsecum in voluntate creatuæ, quod facit quod illa infallibiliter velit & operetur id quod vult eam velle & operari. Quod etiam diceret declarat 1. parte quæst. 105. art. 4. ubi ait: *Voluntas moverit ab objecto quod est bonum, & ab eo qui creat virtutem volendi.* Et postquam ostendit, quod potest moveri sicut ab objecto à quocumque bono, sed non sufficiente & plenè, nisi à summo bono, subdit de alio modo movendi ex parte virtutis, & non ex objecto: *Virtus volendi à solo Deo causatur: velle autem nihil aliud est quam inclinatio in objectum voluntatis, quod est bonum universale.* Inclinare autem in bonum universale, est proprium primi moventis, cui proportionatur ultimus finis. Vnde utroque modo proprium est Dei movere voluntatem, sed maximè secundo modo, eam interiùm inclinando. Ergo secundum D. Thomam, modus quo Deus operatur & facit inclinare voluntatem ad actionem voluntariam & liberam, non solum est per modum objecti attrahentis & allicantis, quaे est motio moralis, sed etiam per modum principij interius operantis & applicantis voluntatem, quaе est motio physica & effectiva, quam docent Thomistæ.*

29. Præter hæc S. Doctoris testimonia, plura sunt alia, ex quibus aperte deducitur efficacia intrinseca divinorum decretorum. Nam quæst. 6. de malo art. unico ad 3. hæc scribit: *Deus mover voluntatem immutabiliter, propter efficaciam voluntatis moventis qua deficere non potest; sed proper ter naturam voluntatis motæ, qua indifferenter se habet ad diversa, non inducitur necessitas, sed manet libertas.* Et 1. 2. quæst. 112. art. 3. in corp. sic ait: *Preparatio ad gratiam, secundum quod est à Deo movente, habet necessitatem ad id ad quod ordinatur à Deo, non quidem coactionis, sed infallibiliter, quia intentio Dei deficere non potest.* Vnde si ex intentione Dei moventis est, quod homo cuius cor movet, gratiam consequatur, infallibiliter eam consequitur. secundum illud Joannis 6. Omnis qui auditiv à Patre & didicit, venit ad me. Et quæst. 10. art. 4. ad 3. Dicendum est, inquit, quod si Deus mover voluntatem ad aliquid, impossibile est ponere quod voluntas ad illud non moveatur, non tamen est impossibile simpliciter: unde non sequitur quod voluntas à Deo ex necessitate moveatur. Et 2. 2. quæst. 24. art. 11. in corp. *Virus Spiritus Sancti infallibiliter operatur quocunque voluerit: unde impossibile est hoc duo simul esse vera, quod Spiritus Sanctus velit aliquem mouere ad actum charitatis, & quod ipse charitatem amittat peccando.* Denique quodlibet 12. art. 3. assertit quod *Predestinatio habet certitudinem ex parte voluntatis divine cui non potest*

A aliquid resistere. Quæ omnia, ut patet, verificari non possunt de decreto indifferenti, vel de gratia moraliter tantum excitante; cùm tale decretum, & talis gratia, non moveant voluntatem creatam immutabiliter, nec inducanti necessitatem infallibilitatis ad operandum, nec sint talis natura quod voluntas creata non possit eis resistere, in sensu composito, conjungendo scilicet cum illa actuali resistentiam & disensem, ut fatentur Adversarij: Manifestum est igitur, iuxta principia doctrinæ D. Thomæ, de cœla circa nos actus liberos, esse de se & ab intrinseco efficacia.

B

ARTICVLVS II.

Rationibus Theologicis, efficacia divinorum
Decretorum demonstratur.

V Aris rationibus demonstrant nostri Thomistæ, tum hic, tum in Tractatu de auxiliis, divinorum decretorum efficaciam & causalitatem circa actus liberos nostra voluntatis: nos hic præcipias & clariores expendemus, & articulo sequenti, varia qua ex decretis indifferentibus sequuntur absurdia & inconvenientia declarabimus.

§. I.

Efficacia divinorum decretorum ex orationibus Ecclesiæ, & promissionibus Dei,
demonstratur.

H EC duo argumenta magni sunt ponderis & momenti, & ab Augustino ac Prospero contra Pelagianos & Semipelagianos sèpè proposita.

Primum quod sumitur ex orationibus Ecclesiæ, & quod semper apud Augustinum invictum fuit, potest sic breviter proponi. Id quod postulamus à Deo, ex ejus gratia, beneficioque procedit, non vero ab homine expectatur, vel supponitur: Sed oramus Deum pro nostra voluntatis consensi, determinatione, & mutatione: Ergo talis consensus & determinatio, a decreto divino, & gratia ex illo profluente causatur, non vero ab illo supponitur, aut expectatur. Major est certa: nemo enim petet ab alio, nisi quod ab illo dandum est, vel efficiendum: unde Augustinus sepe dicit, quod *oratio est clarissima gratie testificatio.* Minor autem constat ex variis orationibus Ecclesiæ, quibus orat Deum, ut nos convertat, cor nostrum immutet, rebelles ad se compellat propitiū voluntates; & faciat nos ex nolentibus volentes, & ex repugnantibus consentientes, ut loquitur S. Augustinus lib. 4. ad Bonifacium cap. 9. Denique in Litanii de venerabili Sacramento Eucharistiae, oramus Deum ut ad frequentem, dignamque eorum mysteriorum participationem nos commovere dignetur. Quas orationes, non ad hoc fundit Ecclesia, ut solum Deus nos excite propositione objecti & doctrinæ, offeratque ex parte sua concursum indifferentem, quem nos consensu nostro determinemus. Nam Deus offert nobis suum concursum, & excitationem sufficientem, & saepe valde vivacem; & tamen adhuc oramus, ut rebelles nostra voluntates ad se compellat; & faciat nos ex nolentibus volentes, & ex repugnantibus consentientes. Ergo sentit Ecclesia, quod post oblatum concursum indifferentem, in quo nondum relucet determinatio ad

DE EFFICACIA VOLVNTATIS DEI. 443

consensum bonum; post excitationem externam, & internam, etiam vivacem & vehementem, aliquid restat exhibendum à Deo & donandum, quo fiat consensus iste, & mutatio voluntatis nostrae, quod non potest esse aliud, quam ipsa gratia efficax, interius tangens & immutans ipsum cor & voluntatem hominis, eamque applicans & determinans ad consensum.

31. Hanc rationem eleganter prosequitur D. Augustinus contra Pelagianos, variis in locis, præfertim libro 4. ad Bonifacium cap. 9. ubi sic ait: *Oramus pro repugnantibus & oppugnantibus, & petimus ut fiant ex noalentibus volentes, & ex repugnantibus consentientes: à quo, nisi ab illo de quo scriptum est, preparatur voluntas à Domino?* Et cap. 18. *Inanier & perfundori, portius quam veraci Deo fundimus preces, si ab eis non pertinet gratiam, convertere ad fidem suam, ipsi fidei contrarias hominum voluntates.* Proclus (inquit) non oramus, sed orare nos singimus, si nos ipsos, non illum credimus facere quod oramus. Si petimus quod credimus esse in nostra potestate. Et de dono persever. cap. 2. *Nonne & ista irsoraria petitio est, cum id ab eo petitus quod sicutur ipsum non dare, sed ipso non donante esse in hominis potestate: sicut irsoraria est etiam illa actio gratiarum, si ob hoc gratiae agnitus Deo, quod non donavit ipse nec fecit?* Et cap. 20. dicit se in libris Confessionum quos ediderat antequam Pelagiana haeresis extitisset, sepe dixisse Deo: *Da quod jubes, & jube quod vis.* Et subdit: *Quid verò nobis primitus & maximè Deus jubet, nisi ut credamus in eum? Et hoc ergo ipse dat, si bene illi datur eft, da quod jubes.* Demum libro de corrept. & gratia cap. 3. in fine hæc scribit, *O homo in preceptione cognosce quid debetas habere, in corruptione cognosce tuo te virtuo non habere, in oratione cognosce unde accipias quod vis habere.*

Confirmatur, & magis illustratur hec ratio ex ipsomet Augustino de natura & gratia cap. 18. ubi ait: *Quid stultius quam orare ut facias quod habes in tua potestate?* Sed in sententia Molina, & aliorum Recentiorum, efficacia divini decreti, & gratia ex illo promanantis, est in nostra potestate, cum illa pendeat a libero arbitrio determinante ad speciem actus: Ergo juxta illorum Authorum principia, stultum est petere à Deo talam efficaciam, cum potius Deus debeat illam expectare a libero arbitrio. Quare meritò posse Deus Adversarii respondere: cur à me petitis quod est in vestra potestate, & quod ego à vobis expecto? Unde Augustinus Epist. 107. ad Vitalem ait: *Nostris orationibus contradicere eos qui dicunt vocacionem Dei confentire, ita nostrum esse ut si velimus fiat; si autem nolimus, nihil in nobis operationem Dei valere faciamus.* Et libro de gratia Christi cap. 25. & de prædest. SS. cap. 20. & multis aliis in locis, ex oratione quā rogamus Deum, ut nos convertat, probat ab ipso donari & præveniri nostræ voluntatis determinationem.

Idem ostendit Epistolâ citatâ ad Vitalem, ex gratiarum actione quā Deo gratias exhibemus pro consensu, determinatione, conversione, & mutatione nostra voluntatis, & ait: *Proclus non gratias Deo agimus, sed nos agere singimus, se unde illi gratias agimus, cum facere non putamus.* Unde cum in sententia Molina Deus non efficiat per suum decretum, & gratiam ab illo procedentem, consensum & determinationem liberi arbitrij, sed illum ab humana voluntate expectet, non

A debemus pro consensu, determinatione, & conversione nostræ voluntatis, Deo gratas agere; sed potius ipsem Deum debet nobis gratias referre, ex eo quod ejus concursum, & moralem excitationem, ex nostra libertate, ad consensum, & speciem actus boni determinamus.

Secundum argumentum quō divinorum decretorum efficacia suadetur, petitur ex promissionibus Dei, & insinuantur etiam ab Augustino de Prædestin. SS. cap. 10. ubi ait: *Quando promisit Deus Abraham fidem gentium, dicens Patrem multarum gentium posui te, non de nostræ voluntatis potestate, sed de sua prædestinatione promisit: promisit enim quod facturus ipse fuerat, non quod homines. Quia et si faciant homines bona que pertinent ad colendum Deum, ipse facit ut illi faciant quæ precepit, non ipsi faciunt ut ille faciat quod promisit, alioquin ut promissa Dei compleantur, non in Dei, sed in hominum est potestate.* Ex quibus verbis hoc potest erui argumentum. Deus promisit Abraham fidem gentium, quando illi dixit, *Patrem multarum gentium constitui te.* Unde cum in fide includatur consensus, determinatione, & pia motio voluntatis, quia, ut Augustinus ait, *Credere non potest homo, nisi volens:* si hunc consensum & determinationem voluntatis, Deus non efficiat per gratiam, sed illum expectet a libero arbitrio determinante indifferenti sui cursus & gratiae moraliter excitantis, Deus promittit aliquid quod non facit, sed ab humana voluntate expectat: hoc autem absurdum est, & divine omnipotentiae injuriosum: *Alioquin* (ut inquit Augustinus jam relatus) *ut promissa Dei compleantur, non in Dei, sed in hominum est potestate.* Et Epist. 105. *Quod promittit Deus, non facit nisi Deus. Habet namque aliquid rationis & veritatis, ut homo promittat, & Deus faciat: ut autem homo se facere dicat quod promiserit Deus, superba impietas est reprobus sensus.*

§. II.

D **Divinorum decretorum efficacia ostenditur ex inscrutabilitate hujus questionis, cur vocatio & gratia Dei in uno sit efficax, non vero in altero?**

H Oc etiam argumentum valde urget Adversarios, sumiturque ex SS. Patribus, qui sepe docent hanc questionem esse omnino inscrutabilem & impenetrabilem, nec posse solvi per humani arbitrij velle vel nolle. Ita inter alios docet S. Prosper de vocat. Gentium libro 1. cap. ultimo, cuius titulus est: *Questionem cur hic potius quam ille accipiat gratiam, esse impenetrabilem, nec posse ex libero arbitrio solvi.* Unde ibidem sic loquitur: *Igitur profunditas illius questionis, quam secundum admirationem Apostoli impenetrabilem constemur, per liberis arbitriis velle vel nolle non solvit: quia licet in isti homini malum nolle, tamen nisi donatum non habet bonum velle. Illud contraria natura per culpam, hoc recipit natura per gratiam.* Et in responsi. ad objectionem 14. Vincentij: *Cur Deus illum retineat, illum non retineat, nec possibile est comprehendere, nec licitum investigare: cum scire sufficiat, & ab illo esse quod statuit, & ab illo non esse quod ruinit.*

Hanc doctrinam accepit Divus Prosper à sanctissimo Praeceptore Augustino, qui etiam variis in locis, hujus questionis profunditatem non aliter solvit, quam recurrendo ad inscrutabilia judicia Dei. Nam Traictatu 26. in Joannem: *Quare, inquit, unum trahat, & alium non trahat.*

KK ii